

Mag-ungang Sigamantong Magasin Sa Bisaya

Bisaya

Marso 6, 2019

Mga Sugilanon:

Saop

Ni Benjamin M. Montejo

Nahugno Nga Pangandoy

Ni John Tom. Ybanez

Karon,
Available na sa
National Bookstores
ug Merriam &
Webster Bookstores
Nationwide!

Mga Artikulo

Panguil Bay Bridge: Pangandoy Sa Tibuok Kinabuhi Nga Matuman

Ni Narciso M. Coparaso

Ang Tawo nga May Dakong Damgo Alang sa mga Bisaya

Ni N.B. Aguilan



JHANE SANTIAGUEL

Jhane Santiagué:

Magpokus Karon sa Negosyo ug Showbiz Career

Sa Atong Hapin

NI HIMAYA A. DAGOHY

KON nakaala ka ni Mocha Uson, may posibilidad nga nakaala ka usab ni Jhane Santiagué.

Si Jhane Santiagué usa ka kanhi membro sa Mocha Girls nga mas nailhan na karon sa pagmodelo ug pag-endorso og mga produkto. Pero naa gihapon sa iyang kasingkasing ang *showbiz*.

Sa wa pa siya mahimong membro sa sikat nga grupo ni Mocha Uson, nagsugod si Jhane isip bokalista sa Caramel Band nga gidumala ni Oliver Cristobal, nga igsoon usab sa *manager* sa Mocha Girls nga si Byron. Human sa usa ka tuig sa banda, nag-audition si Jhane sa Mocha Girls, kadungan si Mae Dela Cerna nga kanhi membro sa EB Babe.

Pareho silang nadawat ug nahimong *second batch* sa Mocha Girls uban ni Mocha Uson. Sa sinugdanan, tulo lang sila ug dunay duha ka lalaki nga *back up dancers*. Pero wa madugay, napulihan kinig mga babaye.

Dako ang pagpasalamat ni Jhane nga nailhan siyang maayo tungod sa pagsakat usab sa Mocha Girls. Midayeg usab siya sa dedikasyon ni Mocha Uson sa ilang grupo aron sila mailhan ug makakuha og daghang gig sa tibook kapupud-an.

"Si Ate Mocha super smart siya and passionate kapog may ginagwa siya. Lalo na noong bago pa lang kami, siya lahat ang nagtuturo sa amin kung paano maging strong sa ganitong line of work. Bale 2010'yan, then nag-Singapore ako kaya nawala ako ng two years. Year 2013 ay bumalik ako ulit sa Mocha Girls, then nawala ako ulit December 2014 after ng World Tour namin," matod ni Jhane.

Gibutyag ni Jhane nga gimingaw siya sa kanhi niyang mga kauban sa *Mocha group*. Usahay magkatapok ug magkukulukabildo sila sa panahon nga wala silay mga proyekto. Nagplano man gani sila nga mag-reunion apan wala mahinayon tungod kay na-busy na man pod sila sa ilang mga trabaho karon.


Human makapahulay gikan sa trabaho sa *abroad*, gisulod niya ang pagmodelo ug pagnegosyo. Karon duna na siyang *travel agency* ug *provincial distributor* na sa usa ka *beauty product* nga iyang gienendorso. Nahimo na pod siyang *calendar girl* sa nagkalainlaing produkto.

Sa pagsulod niya sa *showbiz*, nakaapil na si Jhane sa mga *TV show* sama sa "Juan Happy Love Story" sa GMA-7. Nahiuban usab siya sa usa ka *music video* sa Ex-Battalion.

Kon dunay offer nga *movie project*, game kuno si Jhane sa pagdawat niini. Gani, duna na may makontak niya ug mag-estorya pa sila ning bulana bahin sa gitanyag nga proyekto. Kay lagi busy man siya karon sa *out of the country photoshoots*.

Ning tuiga, paningkamotan ni Jhane ang pagpokus sa iyang negosyo ug *future business* samtang magmodelo ug mag-show sa mga gig.

Apan bisan pa niini, dili niya ipadaplin ang iyang *acting career*. Kay kon moabot ang maayong proyekto nga haom alang kaniya, wa siyang rason nga iya kining balibaran.—



(Hulagway kuha ni Wilson Fernandez)

PAULINE MENDOZA:

Malipayon nga Makita Gihapon sa Primetime Teleserye

SA batan-ong mga aktres karon, usa si Pauline Mendoza nga ginatan-aw sa mga tawo diha sa telebisyon ilabi na sa *primetime teleserye*.

Matan-aw karon ang *Kapuso teen actress* sa teleseryeng "Cain at Abel" nga gibidahan nila ni Dingdong Dantes ug Dennis Trillo.

Dunay miingon nga gamay ra ang gidala niyang papel sa "Cain at Abel" dili sama sa "Kambal, Karibal". Apan kon si Pauline ang pasulitihon, okey man ang iyang *role* sa naasoyng teleserye.

"Okay naman po 'yung role ko sa 'Cain at Abel' kasi may bago naman po roon eh, magkaka-love interest ako, na mismo sa akin talaga," pu'ng sa dalaga.

"Actually, 'yung episode ngayon ay magkikita na kami ni Rafael, bale siya si Vince Vandorpe. Hindi kami nag-workshop, pero sa set na mismo, nag-susap kami, may acting coach kami. Sinasabihan kami na kailangan naming mag-build ng relationship... kasi, first time kong makaka-work si Vince, so hindi ko siya talaga kilala exactly." maoy sumpay sa dalaga.

Sa tanan niyang mga nakauban, dako ang iyang pagdayeg sa mga bida nga sila si Dingdong ug Dennis. Misulti siya nga usa ka maayong aktor si Dennis sama ni Dingdong. Seryoso kini sa trabaho ug nakita niya kon unsa ang paghatag nila og bili sa ilang trabaho.

Si Dingdong nga nakauban niya sa daghang esena, usa sad kuno ka maayong tawo. Kanunay siyang tabangan niini aron labi pang mapanindot ang iyang pag-acting ug seryoso usab kini sa trabaho. Dako ang pagpasalamat ni Pauline nga nakauban niyang balik si Dingdong.

Kahinumdoman nga una na niyang nakauban sa "Alyas Robinhood" ang bana ni Marian Rivera.

Matod pa ni Pauline nga ingon sa *roller coaster ride* ang iyang kinabuhi sa miaging tuig. Daghan kunong mingsulod nga mga problema, naa say mingsulod nga mga positibo ug negatibo. Motaas-moubos lagi kuno ang iyang karera.

Pero nag-boom ang iyang *showbiz career* sa dihang nakasulod siya sa "Kambal, Karibal" ug na-nominate pa sa PMPC.

Karong 2019, dako ang iyang paglaom nga makakuha siya og daghang proyekto. Gani, diha na untay pelikula nga gitanyag apan gibalibaran niya kay pang-mature ug *showy* ang iyang *role*. Magpaabot lang kuno siya sa *right offer* nga mohaom pod niya.

Ug kon masundan man og laing *TV series* ang "Cain at Abel", pangandoy niya nga makauban ang aydol nga si Marian Rivera.—

ShowbizTsika

NI HIMAYA DAGOHY





Si Sekretaryo Mark A. Villar sa DPWH nga namahayag atoli sa seremonya.

Panguil Bay Bridge:

Pangandoy Sa Tibuok Kinabuhi Nga Matuman

NI NARCISO M. CAPAROSO

SULOD sa daghang katuigan ang pagtabok sa Panguil Bay dako kaayong problema sa katawhan sa Misamis Occidental, Misamis Oriental, Zamboanga del Norte, Zamboanga del Sur ug Lanao del Norte.

"Ang tulay nga magdugtong sa Tangub ug Tubod dako kaayong importante aron sayon ug hayahay ang atong pagtabok ning Panguil Bay, dili ta magkalisod. Kay kuyaw kaayong magsakay lang tas gamyang bangka latas sa dagat nga gikuligaw sa dagkong mga balod sa panahon sa ting-ulan, ting-amihan ug tinghagyo," nagkanayon kanunay ang katawhang manahok sa Panguil Bay dapit sa Tangub ug Tubod diin ang bugtong magamit nga mga sakyanan maol lamang ang gagsayang mga bangka.

Agig sanong sa panginahanglan ug dakong problema sa katawhan, ang kadagkoan kun nga opisyal sa Tangub naghimog disenyo sa pinangandoy kaayong tulay sa katawhan ubos sa pagpangulo ni kanhi Mayor Alfonso D. Tan. Apan panahon kacho nga dugay na kaayo kanus-a ang Tangub usa pa lang ka gamay, kabos nga lungsod.

Nalipay kaayo ang katawhang nakakita sa mindot kaayong porma sa gidisenyong tulay nga gipasundayag sa gawas sa Buhatan sa Mayor didto sa ilang lungsod.

Apan ang maong pinangandoy kaayong tulay sa katawhan wala gayod mahimo sulod sa nanglabayng katuigan tungod kay ang problema sa dako kaayong kantidad gikinahanglan sa pagpahimo wala gayod masalbad. Ang Tangub nahimo nang mauswagong siyudad apan ang pinangandoy kaayong tulay sa katawhan nagpabilin



Ang perspective design sa Panguil Bay Bridge.

lang gihapong usa ka mindot kaayong disenyo nagbandera gawas sa buhatan sa mayor sa siyudad.

Dunay panahon nga si kanhi Presidente Gloria Macapagal Arroyo mabutyag nga duana kunoy negosasyong gipahigayon uban sa kadagkoan sa Kagambanan sa China apan sa kadugayan nahilom, wala mahimpos.

"Ang pinangandoy kaayo natong tulay lagmit magpabilin lang kanunyang damgo nato sa tanang panahon. Tungod kay ang gidaghanon sa trapiko dinhi atong dapit gamay ra, dili makagarantiya sa bayabilidad sa proyekto. Busa ang mga ahensiya

sa atong gobyerno ug mga magpupuhunang pribado dili makabig paghatag sa gikinahanglang dakong kantidad pagpahimo sa pinangandoy kaayo natong tulay," masulabong pamulong ni Mayor Philip Tan usa ka higayon nga kining tagsulong nakigkita kaniya didtos iyang buhatan kay nagpakisayod bahin sa pinangandoy lagi kaayong proyekto sa katawhan.

Tinuod...ang gidaghanon sa trapiko sa among dapit gamay ra, dili makagarantiya sa bayabilidad sa proyekto nga mokita aron motunhay. Apan ang dakong pangutana... Ang bayabilidad ba o mahimong kitaon sa proyekto mas labing mahinungdanon kaysa serbisyo publiko? Mas labuwng importante kaysa kaayohan sa katawhan? Lagmit nga dili. Tungod kay si Mayor Philip Tan ingon sa nasubo. Ang pinangandoy kaayong Panguil Bay Bridge nga mindot kaayong tan-awon ang disenyo gipasundayag sa atubangan sa iyang opisina sa City Hall kinahanglang dili magpabilin kanunay nga usa lang ka pangandoy, dili usa lang ka damgo.

Tungod sa dakong panginahanglan, mahinungdanon kaayong serbisyo publiko, ang Panguil Bay Bridge kinahanglang mahimo. Apan usa kuhaw, usa pangitia ang dako kaayong kantidad sa pagtukod maoy dako kaayong problema nga nagpabilin problema sulod sa nanglabayng daghang katuigan.

"Tungod kay ang 2.36 kilometrong pinangandoy kaayo natong Panguil Bay Bridge nagkinahanglan gayog pula ka biyon sa pagtukod nga sa akong kaugalingong pangagpas walay kapitalista dinhis



Si Sec. Mark Villar ug Tangub City Mayor Philip T. Tan.

atong nasod nga maikag pagsawal sa pagbatag puhunan. Busa gikinahanglan gayod nato ang dakong mga magpupuhunan didtos laing kanasaron pagpangandoy sa pinangandoy kaayo natong tulay," pulong pa ni Mayor Philip Tan nga morag wala lang sa hanahuna apan didto sa iyang tingog, kahiladmag kaisipan milutaw ang kaimit sa pangindalsay nga unta may milagrong modangat.

Unya... tuod man, sa wala lang palandong, sa wala lang damha ingon sa may milagro man gayod tinuod nga midangat. Tungod kay midatong Nobyembre 28, 2018 ang Groundbreaking alang sa pinangandoy kaayong Panguil Bay Bridge dungang ghimo sa Tangub ug Tubod ni Presidente Rodrigo Roa Duterte ug Sekretaryo Mark A. Villar sa Department of Public Works and Highways uban ni Gob. Herminia M. Ramiro sa Misamis Occidental, Gob. Imelda Q. Dimaporo sa Lanao del Norte ug ilabi na ni Ambasador Han Dong-Man sa Korea diin magagkan ang garantisadong funding sa Korea Economic Development Cooperation Fund.

Ang 2.36 km 2 lanes nga tulay may kinatibuk-ang budget nga Ph7.353 billion nga sugdan dayon paghimo ning 2019 hangtod sa 2021 sa tangkod tulo ka tuig nga termino sa pagtrabaho.

Kon mahuman na ang pinangandoy kaayong Panguil Bay Bridge, kini unya maoy ikaduhang kinatas-ang tulay dinhi sa atong nasod. Ikaduha sa makasaysayanong RP-Japan Friendship Bridge sa San Juanico, Samar-Leyte.

Ug unya kon mahuman na ang pinangandoy kaayong tulay, ang dakong problema pagtabok sa 2.36 km. Panguil Bay nga magsakay lang sa gamyang bangka latas sa dagat nga kanunyang gikuligaw sa makalilisang mga balod sa panahon sa ting-ulan ug tinghagyo matapos na gayod sa hingpit.

Unya kaming tanang katawhan sa Misamis Occidental, Misamis Oriental, Zamboanga del Norte, Zamboanga del Sur ug Lanao del Norte, maghiyabha na kanunyang luwas, hayahay ug malipayon tabok sa pinangandoy kaayo namong tulay nga gidisenyong moltangad sa tanang panahon sa tibuok namong kinabuhi.—



Si Korean Amb. Han Dong-Man (ika-6 gikan sa tuo) katupad ni Mayor Philip T. Tan.



Ang simbolikong Groundbreaking ceremony.